



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Ericus M. 18. Maii.

**urn:nbn:de:hbz:466:1-44055**

7. Maii. 18. Maii. VITÆ SANCTORVM. 253

S. ERICUS M. 18. Maii.

**S**veciæ Rex ERICVS Divorum Regum imaginis ante oculos suos velut speculum posuit, ipse Regum oculis hodie proponendus. Patriæ & pauperum præcipuè pater, libidinis æstus glaciali aquâ suffocavit. Multæ pecuniariæ tertiam partem, quamvis ultro oblatam, noluit tamen ærario inferri, ne, quod amat fieri, sibi potius consulere, quam justitiæ videretur. Bella gerebat non tam ut suum, quam ut Christi regnum amplificaret. Itaque cum Finlandiæ fidem victor intulisset, cæsis hostibus lacrimis fertur parentasse, quod victis aliter via ad salutem non potuisset sterni, quam per sociorum stragem. Sed vide obfirmatum ad divina animum. Sacrificanti aderat die Christo triumphanti sacro. Interea cum omnibus copiis imminent Henricus Suenonis filius Daniæ Regis. Arma conclamant alii, & sive pugnæ Ducem, sive fugæ Regem exposcunt. At hic, *sinite*, inquit, *me litare reliquum obsequii alibi Deo persolvemus*, *Pœna in celis cantaturi*. Itaque sacris ad finem pertinax immoratur. Tum demum cruce frontem armatus, aciem subit & pugnam, Numineque ita volente, cadit etiam. Cæterum quo loco sanguinem fudit, fons continuò exortus aquas fudit paſſim ægris salutares. Illud penè excidit: Cilicinum ejus thoracem asservari regii sanguinis purpuræ etiam hodie rubentem, loricam, qualem hodie in Principum armamentariis raro videoas. Ex Vite Aquiloniæ Ioannis Vastovii.

Paratus est Deus & cadentem suscipere & eripere fugientem; ut videri possit relictis omnibus aliis ei soli operam dare: propterea expedit omni animæ Deum

L. 7

sem-

254 VITÆ SANCTORVM. 19. Maii.  
semper attendere tamquā proprium nō modō adjutorem  
sed etiam inspectorem. S.Bern.ser.5.super Qui Hab.

S. IVO CONF. 19. Maii.

**H**ic ille inter Jurisconsultos Phœnix, Ivo est, pauperum Advocatus. His ille linguam suam non vendere, sed eorum causam beneficiis sibi emere. Hinc quotidie hospitio eos suscipere, pedibus aquam affundere, mensæ suæ convivas adhibere; de victu ac vestitu, quò illis adderet, sibi demere, & ne deessent, qui patrem vocarent, binos conjuges unà cum I V. liberis domi suæ in IX. annum alere: ut planè penum IVONIS pauperum posses sinum appellare. Ipse interim tam in se durus, quam in alios benignus, corpus cilicio affligere, somnum humi capere, inter preces septem ipsos dies fine cibo persistere, jejunia legisbus Christianis impetrata pane & aquâ transfigere. Talis igitur Advocatus quid mirum si orationi suæ semper Cælites habuit faventes? Hi certè pñem, qui unus suppetebat, in pauperes dispensati, tres alios submisere: hi excrescere sàpè stipem exiguam fecerunt, ut bene multis sufficeret. Ipse CHRISTVS, mendicum præferens, mensæ illius (Superi, qualis hóspes!) assidere, & abiturus bene precari voluit. Inde ille jam medicus etiam omnes passim morbos pellere, flamas precibus extinguere, crucis signo per aquas sibi viam facere, demum fati sui non ignarus, stramentis incubare, & morienti, quem manu renebar, CHRISTO immorti, ut ante hominum semper, ita etiam tunc ante Dñi tribunal viator. Tam bona, o Jurisconsulti, pauperum est caussa! Ex Surio.

Non memini me legisse malâ morte mortuum, qui b  
benter